

欽定春秋左傳讀本



卷三五
之二十六

欽定春秋左傳讀本卷二十五

昭公

經二十有三年春王正月叔孫婁敷如晉

癸丑叔鞅卒傳無晉人執我行人叔孫婁

晉人圍郊夏六月蔡侯東國卒于楚傳無

秋七月莒子庚與來奔 戊辰吳敗頓胡

沈蔡陳許之師于雞父音甫胡子髡沈子逞滅

獲陳夏齧天王居于狄泉尹氏立王子

朝 八月乙未地震 冬公如晉至河有疾

道光二年 武英殿刊刻

左傳讀本卷三五

昭公

乃復

傳二十三年春王正月壬寅朔二師圍郊癸

卯郊鄆潰丁未晉師在平陰王師在澤邑王

使告間音開庚戌還


郊鄆子朝邑也告間謂子朝已敗庚戌晉師還

邾人城翼還將自離姑公孫鉏曰魯將御同禦

我欲自武城還循山而南徐鉏丘弱茅地曰

道下遇雨將不出是不歸也遂自離姑武城

人塞其前斷其後之木而弗殊邾師過之



乃推而蹙

音厥

之。遂取邾師，獲鉏弱地。邾人愬

于晉。晉人來討。叔孫婍

敕畧切

如晉。晉人執之。

書曰：晉人執我行人叔孫婍。言使去聲人也。晉

人使與邾大夫坐。叔孫曰：列國之卿當小國

之君，固周制也。邾又夷也。寡君之命，介子服

回在，請使當之，不敢廢周制故也。乃不果坐。

韓宣子使邾人聚其衆，將以叔孫與之。叔孫

聞之，去

上聲

衆與兵而朝。士彌牟謂韓宣子曰：

子弗良圖，而以叔孫與其讎。叔孫必死之。魯

道光二年

武英殿刊刻

左傳讀本卷三五

昭公

二

亡叔孫，必亡邾。邾君亡國，將焉歸？子雖悔

音焉

之，何及？所謂盟主，討違命也。若皆相執，焉用

盟主？乃弗與，使各居一館。士伯聽其辭，而愬

諸宣子，乃皆執之。士伯御

如字

叔孫，從

去聲

者四

人。過邾館，以如吏。先歸邾子。士伯曰：以芻蕘

之難，從者之病，將館子於都。叔孫旦而立期

音基

焉。乃館諸箕，舍子服昭伯於他邑。范獻子

求貨於叔孫，使請冠焉。取其冠法，而與之。兩

冠曰：盡矣。爲

去聲

叔孫故，申豐以貨如晉。叔孫

曰見我吾告女汝所行貨見而不出吏人之與叔孫居於箕者請其吠狗弗與及將歸殺

而與之食之叔孫所館者雖文曰必葺其牆

屋去之如始至劉啟隆千錢武城

翼邾邑離姑亦邾邑俱在今費縣西南與魯武城犬牙相錯翼在東離姑在西自翼

回邾都由武城離姑而西也公孫鉏徐鉏邱弱茅地皆邾大夫慮魯人沮之故欲從

武城外環山南而西行其道在山下遇雨則不能出仍由武城達離姑武城人果取

其師魯邾乃坐訟于晉魯不果坐晉欲執魯使與邾又不果乃聽其辭士彌牟即士

伯也並執魯叔孫昭子及子服昭伯御叔孫如吏以之過邾館使邾君見魯屈辱也

道光元年左傳讀本卷三十五 昭公 三

兩獄既平先歸邾君士伯言館姑別都意欲姑辭屈姑以從旦至暮為期立待命也

遂遷館今大谷之箕子服沮亦舍于別邑范鞅請冠以冠式與之又沮申豐之賄傳

言叔孫終不屈也叔孫在館不以狗示惠不以羈居毀壞牆屋蓋晉人稱道之

夏四月乙酉單子取訾劉子取牆人直人六月

壬午王子朝入于尹癸未尹圉誘劉佗殺

之丙戌單子從阪道劉子從尹道伐尹單子

先至而敗劉子還己丑召伯奂南宮極以成

周人戍音庶尹庚寅單子劉子樊齊以王如劉

甲午王子朝入于玉城次于左巷秋七月戊

申。鄆羅納諸莊宮。尹辛敗劉師于唐。丙辰。又敗諸鄆。甲子。尹辛取西闈。丙寅。攻蒯。蒯潰。

嘗在鞏縣西南。牆人在新安。直入。古直伯柄地。皆子朝先所得地。尹氏地。在今汾州。此尹以下阪道。尹道言之。當在洛陽西山中。尹圍。即尹文公子朝黨。劉佗。劉奩族也。

敬王之臣。劉在偃師。鄆在鞏。唐。蒯俱在洛陽。西闈。地闕。亦當在洛陽也。經書。王居狄泉。傳言。王如劉杜預云。狄泉在洛陽城外。

孔穎達云。從劉居狄泉。今檢六月。庚寅。如劉。七月。戊申。納朝莊宮。始立。相距十九日。王或居狄泉。傳不詳也。鄆羅。胙之子。尹辛圍之族。皆子朝黨。經書。于雞父戰。後者從告。

莒子庚輿虐而好去聲劍。苟鑄劍。必試諸人。國

人患之。又將叛齊。烏存帥國人以逐之。庚輿

將出。聞烏存執殳而立於道左。懼。將止死。苑

羊牧之曰。君過之。烏存以力聞可矣。何必以

弑君成名。遂來奔。齊人納郊公。

郊公以十四年奔齊。而庚輿立。今庚輿來奔。郊公復立。

吳人伐州來。楚遠越帥師。及諸侯之師。奔命

救州來。吳人禦諸鍾離。子瑕卒。楚師燿子潛切

吳公子光曰。諸侯從於楚者衆。而皆小國也。

畏楚而不獲已。是以來。吾聞之曰。作事威克

道光英殿刊刻

左傳讀本卷三五

昭公

四

其愛雖小必濟。胡沈之君幼而狂。陳大夫鬻

壯而頑。頓與許蔡疾楚政。楚令尹死。其師燿

帥去聲賤多寵。政令不壹。七國同役。而不同心。

帥賤而不能整。無大威命。楚可敗也。若分師

先以犯胡沈與陳。必先奔。三國敗。諸侯之師

乃搖心矣。諸侯乖亂。楚必大奔。請先者去上聲

備薄威。後者敦陳去聲整旅。吳子從之。戊辰晦。

戰于雞父。音甫吳子以罪人三千。先犯胡沈與

陳。三國爭之。吳為三軍以繫於後。中軍從王

道元一年 武英殿刊刻 左傳讀本卷三五 昭公

五

先帥右。掩餘帥左。吳之罪人。或奔或止。三國

亂。吳師擊之。三國敗。獲胡沈之君。及陳大夫

舍同捨胡沈之囚。使奔許與蔡。頓曰。吾君死矣。

師素報切謀而從之。三國奔。楚師大奔。書曰。胡

子髡。沈子逞。滅。獲陳夏齧。君臣之辭也。不言

戰。楚未陳也。

楚城州來。故吳來爭。楚令尹陽句字子瑕。有疾在軍。故遠越攝帥。諸侯之師。頓胡沈

蔡陳許也。鍾離。今鳳陽。雞父。壽州南地。燿

者。火滅言。令尹卒而師入無氣也。去備。董威以誘之。敦陳整旅以壓之。三國亂者。胡沈陳爭獲而不整也。三國奔。謂許蔡頓亦

奔。楚人未成陳而大奔。故經不書楚師。

八月丁酉南宮極震。萇弘謂劉文公曰。君其

勉之。先君之力可濟也。周之亡也。其三川震。

今西王之大臣亦震。天弃之矣。東王必大克。

經言乙未地震。魯地也。丁酉周亦震。陽伏而不能出。陰迫而不能烝。於是地震。由東

而西也。南宮極。子朝黨。六月戊申者。以震死。萇弘謂劉奎言。劉摯之勳可繼。幽王時

三川震而亡。今子朝之大臣震。則敬王當大克。子朝在王城。為西。敬王在狄泉。為東。

楚大去聲。子建之母在郢。閔音召吳人而啓之。冬

十月甲申。吳大子諸樊入郢。取楚夫人。與其

道光二年

武英殿刊刻

左傳讀本卷三五

昭公

六

寶器以歸。楚司馬遼越追之不及。將死。眾曰。

請遂伐吳以徼古堯切之。遼越曰。再敗君師。死

且有罪。亡君夫人。不可以莫之死也。乃縊於

蘧澨。

郢。即蔡郢陽。時建亡在鄭。君夫人退居母家。吳大子諸樊。陸德明孔穎達俱云。諸樊

乃王僚伯父。不應大子與之同名。久遠之書或誤耳。蘧澨。今京山地。

公為去聲。叔孫故如晉。及河。有疾而復。

楚囊瓦為令尹。城郢。沈尹戌曰。子常必亡郢。

苟不能衛。城無益也。古者天子守在四夷。天

子甲守荏諸侯諸侯守荏四鄰諸侯卑守在四竟同境慎其四竟結其四援去聲民狎其野三

務成功民無內憂而又無外懼國焉音焉用城

今吳是懼而城於郢守已小矣甲之不獲能

無亡乎昔梁伯溝其公宮而民潰民奔其上

不亡何待夫正其疆場音亦脩其土田險其走

集親其民人明其伍一作五候信其鄰國慎其

官守守其交禮不僭不貪不懦不耆音耆完其

守備以待不虞又何畏矣詩曰無念爾祖聿

脩厥德無亦監乎若敖蚡冒至于武文土不

過同慎其四竟猶不城郢今土數圻而郢是

城不亦難乎

道光二年

屈英殿刊刻

左傳讀本二五

昭公

七

城不亦難乎

囊瓦字子常子囊之孫也代陽句為令尹城郢者脩都城史記楚世家云吳公子先

取大子建母而去楚恐城郢也城郢乃囊瓦之功不當以其為政不善並城郢亦非

之沈尹戌謂瓦城郢而不能守郢其意甚善乃縱論若敖蚡冒武文不城郢則所謂

橫議害事左傳詳載之意謂能城郢而能如戍所言正脩險親明信慎守則盛節

也故亦不廢其言險其走集謂邊竟之壘壁明其伍候杜預云部伍候望賈逵本作

五候云敬授民時四時中央之候也董遇云五候候四方及國中之姦謀不懦不怯

懼不考
不強競

經二十四年春王二月丙戌仲孫矍卒緝音無傳

婣至自晉 夏五月乙未朔日有食之

秋八月大雩 丁酉杞伯郁釐卒無傳 冬吳

滅巢 葬杞平公無傳

傳二十四年春王正月辛丑召簡公南宮嚳

以甘桓公見現音王子朝劉子謂萇弘曰甘氏

又往矣對曰何害同德度鐸音義大誓曰紂有

億兆夷人亦有離德余有離臣十人同心同

道光二年
武英殿刊刻左傳讀本卷五 昭公

德此周所以興也君其務德無患無人戊午

王子朝入于鄆烏戶切

召簡公名盈莊公之子南宮嚳極之子皆
子朝黨甘桓公平公之子本敬王臣今亦

歸于子朝萇弘言同德乃能度義紂多夷
人離德不如周十人同德也鄆在今偃師

傳言子朝
時方強

晉士彌牟逆叔孫于箕叔孫使梁其蹊戶定切

待于門內曰余左顧而效苦代切乃殺之右顧

而笑乃止叔孫見士伯士伯曰寡君以為盟

主之故是以久子不腆敝邑之禮將致諸從

去聲者。使彌牟逆吾子。叔孫受禮而歸。二月。媯
至自晉。尊晉也。

叔孫疑士伯來殺已。故伏家臣梁其蹊。使殺士伯。經書媯至去族。所以尊晉。

三月。庚戌。晉侯使士景伯涖問周故。士伯立

于乾祭。音祭而問於介衆。晉人乃辭。王子朝

不納其使。音去

士景伯。彌牟也。涖。臨也。乾祭。王城北門。臨城門。問于大衆。大衆皆言。王苟當立。晉乃

絕王。子朝。

夏五月乙未朔。日有食之。梓慎曰。將水。昭子

道。光。一。年。武。英。殿。刊。刻。左。傳。讀。本。卷。三。五。昭。公。

九

曰。旱也。日過分而陽猶不克。克必甚。能無旱

乎。陽不克莫。將積聚也。

梓慎。知是月掩日。為陽不克。故曰水。昭子以春分後。盛陽猶不克。其克則必甚。此時為月所掩。陽氣莫然。所由積聚。故曰旱。二人皆出新意言之。或中或否。不為典要。

六月壬申。王子朝之師攻瑕及杏。皆潰。

瑕。杏。敬。王。二。邑。

鄭伯如晉。子犬音泰叔相音去見音現范獻子。獻子

曰。若王室何。對曰。老夫其國家不能恤。敢及

王室。抑人亦有言曰。螻不恤其緯。而憂宗周

之隕。為去聲將及焉。今王室實蠢蠢焉。吾小國

懼矣。然大國之憂也。吾儕何知焉。吾子其早

圖之。詩曰。餅一作瓶之罄矣。惟音雷之恥。王室

之不寧。晉之恥也。獻子懼。而與宣子圖之。乃

徵會於諸侯。期以明年。

子犬叔私見范鞅也。痿寡婦也。不自憂織緯而憂周室。恐禍及已。言鄭雖憂之。尤大

國所宜憂。小國不能扶王室。故以責大國。言餅酒取于鬯。餅盡是鬯。恥。王室本依晉

鄭。今王室亂。鄭又小弱。故言是晉恥也。鞅懼天下以大義責之。因與執政韓宣子言

之。明年會于黃父也。

道光二年 左傳讀本卷五 昭公

武英殿刊刻 十一

秋。八月。大雩。旱也。

冬。十月。癸酉。王子朝用成周之寶珪于河。甲

戌。津人得諸河上。陰不佞以溫人南侵。拘得

玉者。取其玉。將賣之。則為石。王定而獻之。與

之東訾。

用玉于河。禱祠沈玉也。陰不佞。周大夫。以晉溫人侵子朝。掠得之。及敬王定位。乃以

獻王。王賞以東訾。今鞏縣地也。寶珪出于河。欲賣之。則成石。王定。又見為玉。是三事皆而為者。

楚子為舟師。以略吳疆。沈尹戌曰。此行也。楚

必亡邑。不撫民而勞之。吳不動而速之。吳踵

章勇切楚而疆場音亦無備。邑能無亡乎。越大夫

胥犴音岸勞音去聲王於豫章之汭。越公子倉歸音饋

王乘音去聲舟。倉及壽夢音平聲帥師從王。王及圍陽

而還。吳人踵楚而邊人不備。遂滅巢。及鍾離

而還。沈尹戌曰。亡郢之始。於此在矣。王壹動

而亡二姓之帥。幾音凡如是而不及郢。詩曰。誰

生厲階。至今為梗。其王之謂乎。

豫章。淮水以南地。圍陽。今巢縣南也。時吳楚之疆。分在江淮之間。江在吳境內。楚舟

道光二年左傳讀本卷五 昭公 十一

師多近淮。越舟可以達淮。當由海而上。或曰。即漢豫章。今南昌也。越境至今餘干。舟

可達顛水。檢左傳所記豫章事。俱在江北淮南。則此乘舟。與他所記陸路之師。不能

合。此豫章所在。不可強知也。子常城郢。平王行疆場。皆是本務。無緣知為亡郢。沈尹

戌之言。以素日德政言之。則可。合此二事。是為惑亂。是非。啓空言廢事之漸。傳記此

者。取其疆場無備之言。以為戒。踵楚。謂躡楚踵跡。說文作種。云相迹。詩言為梗。謂為

病。

經二十有五年春叔孫婣如宋 夏叔詣會

晉趙鞅宋樂大心衛北宮喜鄭游吉曹人邾

人滕人薛人小邾人于黃父音甫 有鸛一作鶻音

劬音 鵠音 來巢 秋七月上辛大雩季辛又雩

九月己亥公孫遜于齊次于陽州齊侯唁

彦音 公于野井 冬十月戊辰叔孫婞卒 十

有一月己亥宋公佐卒于曲棘 十有二月

齊侯取鄆音

傳二十五年春叔孫婞聘于宋桐門右師見

之語卑宋大夫而賤司城氏昭子告其人曰

右師其亡乎君子貴其身而後能及人是以

有禮今夫子卑其大夫而賤其宗是賤其身

也能有禮乎無禮必亡宋公享昭子賦新宮

昭子賦車轄一作輦明日宴飲酒樂宋公使

昭子右坐語相泣也樂祁佐退而告人曰今

茲君與叔孫其皆死乎吾聞之哀樂而樂哀

皆喪心也心之精爽是謂魂魄魂魄去之何

以能久

以能久

桐門右師樂大心也居桐門司城其本族

新宮詩逸車牽詩思得賢女配君子杜預

云昭子將為季孫迎女故賦之右坐者燕
禮賓筵在戶西而南向公席在阼階上西
向今移賓筵于阼階
上南向則在公右也

道光二十一年 武英殿刊刻 左傳讀本卷三十五 昭公 十一

季公若之姊爲小邾夫人。生宋元夫人。生子以妻季平子。昭子如宋聘。且逆之。公若從。謂曹氏勿與。魯將逐之。曹氏告公。公告樂祁。樂祁曰。與之。如是。魯君必出。政在季氏三世矣。魯君喪去聲政。四公矣。無民而能逞其志者。未之有也。國君是以鎮撫其民。詩曰。人之云亡。心之憂矣。魯君失民矣。焉音焉得逞其志。靖以待命。猶可。動必憂。

季若。季平子之庶叔。其姊。謂同母姊。平子庶姑也。小邾曹姓。宋元夫人。曹氏也。樂祁道。光。一年。左傳讀本卷三五。昭公。武英殿刊刻。

三

言國君是以鎮撫其民者。言國君以失民失政爲懼。

夏。會于黃父。音甫謀王室也。趙簡子令諸侯之

大夫。輸王粟。具戍音庶人。曰。明年將納王。子大

叔見趙簡子。簡子問揖讓周旋之禮焉。對曰。

是儀也。非禮也。簡子曰。敢問何謂禮。對曰。吉

也。聞諸先大夫。子產曰。夫禮。天之經也。地之

義也。民之行去聲也。天地之經。而民實則之。則

天之明。因地之性。生其六氣。用其五行。氣爲

五味。發爲五色。章爲五聲。淫則昏亂。民失其

性。是故爲禮以奉之。爲六畜五牲三犧以奉
五味。爲九文六采五章。以奉五色。爲九歌八
風七音六律。以奉五聲。爲君臣上下。以則地
義。爲夫婦外內。以經二物。爲父子兄弟姊妹
甥舅昏媾姻亞。以象天明。爲政事。庸力行務。
以從四時。爲刑罰威獄。使民畏忌。以類其震
曜殺戮。爲溫慈惠和。以效天之生殖長上育
民有去聲好去聲惡去聲。喜怒哀樂生于六氣。是故審
則宜類。以制六志。哀有哭泣。樂有歌舞。喜有
施舍。怒有戰鬪。喜生于好。怒生于惡。是故審
行信令。禍福賞罰。以制死生。生好物也。死惡
物也。好物樂也。惡物哀也。哀樂不失。乃能協
于天地之性。是以長久。簡子曰。甚哉禮之大
也。對曰。禮上下之紀。天地之經緯也。民之所
以生也。是以先王尚之。故人之能自曲直以
赴禮者。謂之成人。大不亦宜乎。簡子曰。鞅也。
請終身守此言也。宋樂大心曰。我不輸粟。我
於周爲客。若之何使客。晉士伯曰。自踐土以

道光十一年

武英殿刊刻

左傳讀本卷三五

昭公
十四

來宋何役之不會。而何盟之不同。曰。同恤王

室。子焉。音得辟。同之子奉君命。以會大事。而

宋背盟。無乃不可乎。右師不敢對。受牒而退。

士伯告簡子曰。宋右師必亡。奉君命。以使去聲

而欲背盟。以干盟主。無不祥大焉。

儀非禮。五年傳亦言之。天經者。道之常。地

義者。利之和。天明謂日月星辰。地性謂高

下剛柔。六氣五味五色五聲。見元年傳。五

行。者白虎通云。為天行氣。釋名云。五氣各

於其方。施行。六畜。馬牛羊雞犬豕也。五牲。麋鹿麇狼兔。一曰牛羊豕犬雞。三犧。服虔云。雁鷺雉。杜預云。天地宗廟之牲。六畜五牲。三犧。各以其事用之。因以異名。故說者

道九一年。左傳讀本卷三五。昭公。五

藻。六火。七粉米。一山。二龍。三華蟲。四宗。五

虎。六火。七粉米。不在第。而言華若草華。蟲為雉。

粉為粟米。米若聚米。見書傳。杜預則分華

蟲為二。而合粉米為一。與書傳小有異同。

其不用虎。雌則同也。六采者。考工記畫績

之事。青與白相次。赤與黑相次。元與黃相

次。五章者。考工記。青與赤謂之文。赤與白

謂之章。白與黑謂之黼。黑與青謂之黻。五

色備謂之繡。九歌。八風。七音。六律。見二十

年傳。謂之奉者。順若其自然之性也。此皆

六物者。謂國政有常。國政家事。民庸治九

四時者。謂國政有常。國政家事。民庸治九

行德教。務時要。六者為禮之本。震懼殺戮

天威也。刑獄類之。生殖長育。天道也。人君

之溫慈惠和效之。民生六氣者。好生于陽

氣。惡生于陰氣。怒生于風氣。喜生于雨氣。

哀生于晦氣。樂生于明氣。審其則。宜其類。以制之。乃得天地之和。節有禮而長命。樂大心欲不與王室之役。言不輸粟者。拒晉輸粟之言。曰我於周爲客。若之何使客者。拒晉具戍人之言。踐土事在僖二十八年。受牒。謂受晉輸粟具戍之文書。

有鸚音同鴝欲來巢。書所無也。師已曰。異哉。

吾聞文成之世。童謠有之曰。鸚之鴝之。公出

辱之。鸚鴝之羽。公在外野。往饋之馬。鸚鴝跣

跣。公在乾音千侯。徵褰與襦。鸚鴝之巢。遠哉遙

遙。一作裯父音甫喪去聲勞。宋父以驕。鸚鴝鸚

鴝。往歌來哭。童謠有是。今鸚鴝來巢。其將及

乎。道光十一年 武英殿刊刻左傳讀本卷三五 昭公 十六

鸚鴝似鸚而有憤。南人謂之唼哥。翦其舌。能效人言。考工記言鸚鴝不踰濟。說者謂魯在濟東南。則其鳥不過濟水以南。公羊傳謂非中國之禽。則漢時北方猶無之。今

檢漢書溝洫志。濟有南濟。是春秋之先。鸚鴝不過濟水以北也。隋唐作疏正義者。不

檢南濟。又不核公羊非中國禽之說。以其所見北地有鸚鴝。因言不過濟南。失其實

矣。古言此鳥穴居。銜草造窠于壁中。及大樹孔穴。不在幹枝上。亦有在枝上者。蓋汗

他鳥之巢得之。如鳩居鵲巢。瓦雀奪燕窠也。文成之世。賈逵云。文公成公時也。跌

跌行貌。乾侯。晉地在今廣平。成安縣。褰袴也。襦。短衣也。奕也。言溫奕也。巢。搖搖言不

安也。褊。父公也。宋父。定公也。童謠。容有微驗。故聖人必察邇言。深思致戒。此言曲驗

也。褊。父公也。宋父。定公也。童謠。容有微驗。故聖人必察邇言。深思致戒。此言曲驗

黨亦脩飾潤色之辭

秋書再雩旱甚也請不請

初季公鳥娶妻於齊鮑文子生申公鳥死季

公亥與公思展與公鳥之臣申夜姑相去聲

室及季妣與饗人檀通而懼乃使其妾扶乙

切已以示秦遄之妻曰公若欲使余余不可

而扶余又訴於公甫曰展與夜姑將要平聲余

秦姬以告公之與公甫告平子平子拘

展於卞而執夜姑將殺之公若泣而哀之曰

殺是是殺余也將為去聲之請平子使豎勿內

納日中不得請有司逆命公之使速殺之故

公若怨平子季音后之雞鬪季氏介一作芥其

雞郈氏為之金距平子怒益宮於郈氏且讓

之故郈昭伯亦怨平子臧昭伯之從去聲弟會

為讒於臧氏而逃於季氏臧氏執旃平子怒

拘臧氏老將禘於襄公萬者二人其眾萬於

季氏臧孫曰此之謂不能庸先君之廟大夫

遂怨平子公若獻弓於公為且與之出射於

道光二十一年 武英殿刊刻 左傳讀本卷三十五 昭公 七

外而謀去上季氏。公爲告公果。公賁。音公果

公賁。使侍人僚祖告公。公寢。將以戈擊之。乃

走。公曰。執之。亦無命也。懼而不出。數月不見。

音現。公不怒。又使言。公執戈以懼之。乃走。又使

言。公曰。非小人_音之所及也。公果自言。公以告

臧孫。臧孫以難。告邠孫。邠孫以可。勸告子家

懿。伯懿。伯曰。讒人以君徼幸。事若不克。君受

其名。不可爲也。舍同民數世以求克。事不可

必也。且政在焉。其難圖也。公退之。辭曰。臣與

道光二年 聖英殿刊刻 左傳讀本卷三五 昭公 六

音豫。聞命矣。言若洩。臣不獲死。乃館於公。叔孫

昭子如闕。音公居於長府。九月。戊戌。伐季氏。

殺公之于門。遂入之。平子登臺而請曰。君不

察臣之罪。使有司討臣以干戈。臣請待於沂

上。以察罪。弗許。請囚于費。弗許。請以五乘。音去

亡。弗許。子家子曰。君其許之。政自之出久矣。

隱民多取食焉。爲之徒者衆矣。日入。慝作。弗

可知也。衆怒不可蓄。音救六也。蓄而弗治。將蘊

蘊。音蘊蓄民將生心。生心同求將合。君必悔之。

弗聽。郈孫曰：必殺之。公使郈孫逆孟懿子、叔孫氏之司馬馮戾，言于其衆曰：「若之何？」莫對。又曰：「我家臣也，不敢知國。凡有季氏與無，於我孰利？」皆曰：「無季氏，是無叔孫氏也。」馮戾曰：「然則救諸帥，徒以往，陷西北隅以入，公徒釋甲，執冰而踞，遂逐之。」孟氏使登西北隅，以望季氏，見叔孫氏之旗，以告。孟氏執郈昭伯，殺之于南門之西。遂伐公徒。子家子曰：「諸臣，僞劫君者，而負罪以出。君止，意如之事君也，不

道光二年
武英殿刊刻

左傳讀本卷三五

昭公

九

敢不改。公曰：余不忍也。與臧孫如墓謀，遂行。

己亥，公孫

遜

于齊。次于陽州。齊侯將唁

音公

于平陰。公先至于野井。齊侯曰：「寡人之罪也。」

使有司待于平陰。爲

去聲

近故也。書曰：「公孫于

齊。次于陽州。齊侯唁公于野井。禮也。將求於

人，則先下

去聲

之。禮之善物也。齊侯曰：「自莒疆

以西，請致千社，以待君命。寡人將帥敝賦，以

從執事。唯命是聽。君之憂寡人之憂也。公喜。

子家子曰：「天祿不再，天若疇君，不過周公。以

魯足矣。失魯而以千社爲臣。誰與之立。且齊君無信。不如早之晉。弗從。臧昭伯率從。去聲

將盟。載書曰。勳力壹心。好去聲惡去聲同之。信罪

之有無。繾音遣綣音眷從公。無通外內。以公命示

子家子。子家子曰。如此。吾不可以盟。羈也不

佞。不能與二三子同心。而以爲皆有罪。或欲

通外內。且欲去君。二三子好亡而惡定。焉音薦

可同也。陷君於難。去聲罪孰大焉。通外內而去

君。君將速入。弗通何爲。而何守焉。乃不與。音豫

盟。昭子自闕歸。見平子。平子稽顙曰。子若我

何。昭子曰。人誰不死。子以逐君成名。子孫不

忘。不亦傷乎。將若子何。平子曰。苟使意如得

改事君。所謂生死而肉骨也。昭子從公于齊。

與公言。子家子命適公館者執之。公與昭子

言於幄內。曰。將安衆而納公。公徒將殺昭子。

伏諸道。左師展告公。公使昭子自鑄歸。平子

有異志。冬。十月。辛酉。昭子齊。同齊於其寢。使祝

宗祈死。戊辰。卒。左師展將以公乘馬而歸。公

道光二年
武英殿刊刻

左傳讀本卷三五

昭公

三

徒執之。

季平子之庶叔父曰公鳥。曰公亥。字曰季。其庶姑為秦。適妻曰秦姬。公鳥之妻曰季。奴。平子之弟曰公甫。曰公之。有司逆命者。執展。夜姑之有司。請季氏命也。介雞者。鄭眾云。介申也。為雞者。甲。高誘云。以鑑著雞頭。賈逵云。擣芥子為末。播雞翼。以全。邱雞之目。杜預云。或說以膠沙播之。孔穎達云。以膠塗足爪。然後以沙糝之。欲其澀也。金距。足爪著金也。益宮者。侵其地。臧昭伯弟為讒。後別有傅。禘于襄公。謂襄公別廟。萬舞也。季氏無入。侑取舞者。自足額。公廟止有二人。不能庸。先君之廟。謂季氏無君。無所用宗廟。公為者。昭公。子務。子家。懿伯。歸公。為公。衍。公。果。公。賁。皆不嗣。子家。懿伯。歸父。之後。名。羈。闕。魯外邑。公墓所在。長府。外府。公居之。蓋即戊戌日事。沂上。魯城南。五

道光元年

武英殿刊刻

昭公

三

全傳讀本卷三五

乘亡。謂不敢以衆行。隱民窮約之人。取食季氏。蓋與齊陳氏同。日入。慝作。言至夜則事不可知。蓄蘊弗治。謂積久不斷。公徒己入季氏。故駸。辰。陷季氏。西北隅。以救之。公徒方釋。甲執箭。簡蓋而踞游。駸。辰。乃逐公。徒。孟氏居在季氏東南。見叔孫氏兵起。於是。由南門而西北。伐公。公出如墓。辭而出。孫也。將如齊。而次于界上。陽州。今東平州東北也。齊侯聞公至。使迎唁于平陰。公知之。先至于野井。野井亦齊地。今齊河東地。在齊地。平陰之北。齊侯言為近故也。謂平陰去陽州近。不料公過。恭。反。至野井。莒疆。千社。謂齊東南。魯東北。二萬五千家也。子家。子不。欲盟者。欲通外內。而從者皆散。公獨歸國。蓋力不能去季氏。公徒又不能與季氏復合。公徒則欲從公。為名。使公常在。外。故曰。好亡。惡定。叔孫與公言。所謂通外內也。公徒不欲。故子家。子不。使公徒適公。

館。懼洩其謀。安衆納公者。位置公徒而納公。公徒欲殺之。故自鑄歸鑄。在東平東。今寧陽西北地。故鑄國也。乘馬歸。謂輕騎而歸。獨展從之。公徒乃執展。

壬申尹文公涉于鞏焚東訾弗克

尹文公。子朝黨。自鞏涉洛。焚敬王東訾邑。

十一月宋元公將為公故如晉夢犬去聲

欒即位於廟己與平公服而相去聲之且召六

卿公曰寡人不佞不能事父兄以為二三子

憂寡人之罪也若以羣子之靈獲保首領以

歿唯是楸音附附音附所以藉幹者請無及先君

仲幾音基對曰君若以社稷之故私降昵宴羣

臣弗敢知若夫宋國之法死生之度先君有

命矣羣臣以死守之弗敢失隊同臣之失職

常刑不赦臣不忍其死君命祇音支辱宋公遂

行己亥卒于曲棘

平公。元公父。犬子欒。景公也。不能事父。凡指言宗族。謂華。向之亂。楸。附。棺中。筇。牀。幹。

脅。骸也。君命祇辱。言必不敢從。曲棘。宋邑。今杞縣地。

十二月庚辰齊侯圍鄆

經言取鄆。傳言圍。至明年正月始取之。

經書大要。傳詳其事。鄆。西鄆。在今東平。

初臧昭伯如晉。臧會竊其寶龜。僂力主切又力具切

句。音僂以卜為信與僭。僭吉。臧氏老將如晉。問

會請往。昭伯問家故。盡對。及內子與母弟叔

孫則不對。再三問。不對。歸及郊。會逆問。又如

初。至。次於外而察之。皆無之。執而戮之。逸奔

邠。邠魴音房假使為賈音嫁正焉。計於季氏。臧氏

使五人以戈楯音允伏諸桐汝之閭。會出。逐之。

反奔。執諸季氏中門之外。平子怒曰。何故以

兵入吾門。拘臧氏老。季臧有惡。及昭伯從公。

平子立臧會。會曰。僂句不余欺也。

道光二十一年 昭公 武英殿刊刻 左傳讀本卷五十一

傳言平子有異志。立臧會以疑公從者。時子家羈亦從公。定元年猶言子家氏未有

後。知立臧氏。是平子姦謀也。僂句。龜名。或曰龜所出之地。僭不信也。不對者。示若曖

昧不敢言。奔邠。邠在今東平州東。魴假。邠大夫賈正。蓋主采買者。故計于季氏。桐汝

之間。魯城中里名。會竊龜。以上所為問信與僭。龜言僭吉。人神問答。俱為改常。蓋亂

氣所

楚子使蓬射音亦城州屈。復茄音加人焉。城丘皇

遷訾人焉。使熊相音去聲梅音梅郭巢。季然。郭卷音權

子犬叔聞之。曰。楚王將死矣。使民不安其土。

民必憂。憂將及王，弗能久矣。

州屈加。二地關。邱皇。今信陽地。訾地。楚有訾枝訾梁。城二邑。別遷二邑之人。實之巢。今巢縣。卷。今葉縣西南。本有城。又為之郭也。

經二十有六年春王正月葬宋元公

公至自齊居于鄆。夏公圍成。秋公會齊

侯莒子邾子祀伯盟于鄆。冬十月天

于鄆。九月庚申楚子居卒。冬十月天

王入于成。周尹氏召伯毛伯以王子朝奔

楚。

道光二年 武英殿刊刻 左傳讀本卷五 昭公 通

傳二十六年春王正月庚申齊侯取鄆。

魯地也 以居公

葬宋元公如先君禮也。

善宋臣不從 命以合禮

三月公至自齊。處于鄆。言魯地也。

公至者。賈逵云。季氏示欲為臣。故以告廟。言魯地。故書居。乾侯則書在矣。

夏齊侯將納公。命無受魯貨。申豐從女。

以幣錦二兩。縛一如瑱。適齊師。謂子

猶之人高齎。能貨子猶。為高氏後。粟五千

庚高齟以錦示子猶。子猶欲之。齟曰：魯人買之百兩一布，以道之不通，先入幣財。子猶受之，言於齊侯曰：羣臣不盡力于魯君者，非不能事君也。然據有異焉。宋元公爲魯君如晉，卒於曲棘。叔孫昭子求納其君，無疾而死。不知天之弃魯耶？抑魯君有罪於鬼神，故及此也。君若待于曲棘，使羣臣從魯君以卜焉。若可，師有濟也。君而繼之，茲無敵矣。若其無成，君無辱焉。齊侯從之，使公子鉏帥師從。

道光十一年
武英殿刊刻

左傳讀本卷三五

昭公

五

公成大夫公孫朝謂平子曰：有都以衛國也。

請我受師，許之。請納質。音致許曰：信女。音汝同足。

矣。告於齊師曰：孟氏魯之敝室也。用成已甚。

弗能忍也。請息肩于齊。齊師圍成，成人伐齊。

師之飲。音去馬于淄者曰：將以厭。音切衆。魯成。

備而後告曰：不勝衆。師及齊師戰于炊鼻。齊。

子淵捷從洩聲子射之。中楯瓦。繇胸。一作胸其俱切。

汰。他達切輶七。音比入者三寸。聲子射其馬，斬鞅。

殪。改駕人以爲駸戾也。而助之。子車曰：齊人。

也。將擊子車。子車射之。殪。其御曰。又之。子車

曰。眾可懼也。而不可怒也。子囊帶從野洩。叱

之。洩曰。軍無私怒。報乃私也。將亢去聲。子又叱

之。亦叱之。冉豎射陳武子。中手。失弓而罵。以

告平子曰。有君子。白皙。鬢忍切。眉甚口。平

子曰。必子彊也。無乃亢諸。對曰。謂之君子。何

敢亢之。林雍羞為顏鳴。右。下。苑何忌取其耳。

顏鳴去之。苑子之御曰。視下。顧。苑子刺音拂。林

雍。斷上聲其足。鑿同脛。而乘於他車。以歸。顏

鳴三入齊師。呼去聲曰。林雍乘去聲。

成在今寧陽。七年以與杞。今復為孟氏邑。

齊師言公者。公。子鉏。從公。公為主也。是役

齊在行者。公。子鉏。梁邱據。字子猶。其臣高

齋。齊臣子淵。捷。字子車。陳武子。字子疆。子

囊帶。苑何忌。魯人。禦公者。申豐。女賈。公孫

朝洩。聲子。野洩。駸。辰。冉豎。林雍。顏鳴。季平

子。錦。百。兩。一。布。言陳之以百兩為數。道之

不通。謂有勿納賄之命。不敢致。而先呈其

財式。二兩卷一。如充耳之瑱。取易藏。且錦

熟美。可急卷。不損壞也。為高氏後。謂代。臯

請為高氏。嗣。卿。據言魯事。不可知。宋君卒

于曲棘。亦使齊君待于曲棘。事非情理。或

言齊有棘邑。即十年。傳于山邑。在今臨淄

西北。齊侯又不當待于此也。淄水。謂泰山

南之淄。與齊都淄水別。成。淄出泰山南入

汶。成。僞伐齊飲馬者。以厭眾心。魯既防守

道光二年
武英殿刊刻

左傳讀本卷五

昭公

三五

道光二年
武英殿刊刻

左傳讀本卷五

昭公

五

具而後告公以成衆不願降蓋先以成降
誤公也炊鼻蓋在東平寧陽之間其戰亦
以厭衆心公自用齊師齊魯臣民自不肯
力戰傳記其三事一子淵捷由車轅下曲
野洩也子車射野洩而矢鏃入楯脊三寸
野洩亦射子車之馬斷鞅馬死乃兩止不
射子車改駕魯人見子車似驪戾又在野
洩之前從容改駕必是魯人故助之而子
車曰齊人也意涉姍譎故助者將擊子車
反被射而殪子車亦不敢再射而齊子囊
帶又與野洩相叱而罷一冉豎與陳子彊
也冉豎誤中子彊之手落其弓子彊罵之
冉豎不再射乃告季孫言其狀白面黑鬚
眉大口不敢與亢一林雍與苑何忌也顏
鳴爲車士林雍爲右而恥之自下車苑何
忌取雍之耳又刺其足不肯殺之雍一足
鑿從他乘而鳴去雍又偽呼雍乘蓋鳴憾

四月單子如晉告急五月戊午劉人敗王城
之師于尸氏戊辰王城人劉人戰于施谷劉

師敗績

時子朝在王城尸氏今偃師地施谷亦周地

秋盟于鄆音專陵謀納公也

齊侯謀與莒邾杞同納公鄆陵地闕

七月己巳劉子以王出庚午次于渠王城人

焚劉丙子王宿于褚氏丁丑王次于萑音九作

晉 趙盾 趙鞅 帥師納王 使女音汝寬守闕塞去聲

去聲 劉師敗故出渠褚氏 荏谷 胥靡 滑 皆周地

知 今洛陽南一名龍門山 伊水 歷其間 干 晉 辛 丑 王 奔 濟 殺 欽 于

九月 楚平王卒 令尹子常欲立子西 曰 犬子

壬弱 其母非適同也 王子建實聘之 子西長

聲去聲而好去聲善 立長則順 建善則治 王順國治

可不務乎 子西怒曰 是亂國而惡如字君王也

國有外援 不可瀆也 王有適嗣 不可亂也 敗

親速讎 亂嗣不祥 我受其名 賂吾以天下 吾

滋不從也 楚國何為 必殺令尹 令尹懼 乃立

昭王

犬子 昭王也 其母夫人言非適者 本為

建聘 子西 平王之庶長 亂國謂亂制 惡君

王謂以平王為惡 外援謂秦女 適嗣謂

己為犬子 昭王于哀六年卒 時名軫

冬十月 丙申 王起師于滑 辛丑 在郊 遂次于

尸 十一月 辛酉 晉師克鞏 召伯盈逐王子朝

王子朝及召氏之族 毛伯得尹氏 固 南宮嚳 奉周之典籍 以奔楚 陰忌 奔莒 以叛 召伯逆

道光二十一年 武英殿刊刻 左傳讀本卷三 昭公 五

壬于尸。及劉子單子盟。遂軍圍澤。次于隄上。

癸酉。王入于成周。甲戌。盟于襄宮。晉師使成

公般戍周而還。十二月。癸未。王入于莊宮。

郊。子朝邑。尸。即尸氏。鞏。晉。皆子朝邑。敬王得鞏。陰。忌。叛。子朝也。圍澤。隄上。皆近成周。

尹。召。毛。皆子朝黨。尹。圉。中途歸周。惟其族南奔。召。伯。盈。自歸于敬王。其族與毛。尹。南

宮。俱從子朝。經尹氏。召伯。當云尹氏。召氏。字誤也。晉成公般戍周。其師及知。躒。趙。鞅。

女。寬。對。莫。不。法。其。望。以。示。王。良。至。于。澤。

王子朝使告于諸侯曰。昔武王克殷。成王靖

四方。康王息民。竝建母弟。以蕃屏周。亦曰。吾

無專享文武之功。且為去聲後人之迷。敗傾覆

而溺入于難。去聲則振救之。至于夷王。王愆于

厥身。諸侯莫不竝走其望。以祈王身。至于厲

王。王心戾虐。萬民弗忍。居壬于彘。諸侯釋位。

以間音諫王政。宣王有志。而後效官。至于幽王。

天不弔周。王昏不若。用愆厥位。攜王音千奸命。

諸侯替之。而建王嗣。用遷郊鄆。則是兄弟之

能用力於王室也。至于惠王。天不靖周。生頽

禍心。施音異于叔帶。惠襄辟音同難。去聲越去王都。

道光一年

武英殿刊刻

左傳讀本卷三五

昭公

完

則有晉鄭咸黜不端以綏定王家則是兄弟之能率先王之命也。在定王六年秦人降妖

一作

詠曰周其有頤

子斯切

王亦克能脩其職諸侯服享二世共

職

同供

王室其有間王位諸侯不圖而受其亂災至于靈王生而有頤王甚

神聖無惡於諸侯靈王景王克終其世今王室亂單旗劉狄剥亂天下壹行不若謂先王

何常之有唯余心所命其誰敢討之帥羣不

弔

音的

之人以行亂于王室

侵欲無厭

平聲

玩一作

道光二年

武英殿刊刻

左傳讀本卷五

昭公

三

規

求無度貫瀆鬼神慢弃刑法倍

同背

奸

音齊

盟傲很

戶懇切

一作很

威儀矯誣先王晉為不道是攝是贊思肆其罔極茲不穀震盪播越竄在

荆蠻未有攸底

音旨

若我一二兄弟甥舅獎順

天法無助狡猾以從先王之命毋速天罰赦圖不穀則所願也敢盡布其腹心及先王之

經而諸侯實深圖之昔先王之命曰王后無

適

同嫡

則擇立長

立愛公卿無私古之制也穆后及太子壽早

上聲

年鈞以德德鈞以下王不

天即世。單劉贊私立少。以間先王。亦唯伯仲叔季圖之。閔馬父音甫聞子朝之辭。曰。文辭以行禮也。子朝干景之命。遠去聲晉之大。以專其志。無禮甚矣。文辭何爲。

此言子朝奔楚之事。王室至是始定。子朝之辭甚辨。閔子馬以逮晉非之。蓋其時勢如此。據子厲王立。民不忍其毒害。乃居之于祈。諸侯間與王政。爲共和之治。宣王長而後復政。子幽王昏而不順。若大道用失位。見弒。諸侯立平王。魏公翰立王子余臣于攜。是爲攜王。二十一年。晉文侯殺之時。遷于邲。鄆至惠王時。庶叔子頹作亂。事見莊十九年。惠王子襄王時。弟帶作亂。事見僖

道光二十一年左傳讀本卷三五

昭公

三五

二十四年。襄王孫定王時。秦有妖言。定王孫靈王。爲顛王。靈王子景王。景王子爲犬。子壽。爲悼王。猛。爲敬王。句。爲王子朝。猛。句。蓋皆穆后子。壽。母弟也。子朝庶長。景王愛之。景自壽卒。未立犬子。欲立朝。而未果。大臣單劉惡朝。晉又助敬王。故朝不得立。立朝非通法。立猛。句。又非景王本意。此單劉及晉之意也。羣不弔之人。助敬王之人也。玩求無厭。服虔云。玩貪也。孔穎達云。唐俗本作規求。謬也。赦圖者。赦除其憂。息而圖其攸底。王后無適者。謂雖有子而非適長。意謂犬子壽。早世。景王未立犬子也。子朝奔楚。定四年。楚亂。五年。人殺子朝于楚。

齊有彗星。齊侯使禳之。晏子曰。無益也。祇取誣焉。天道不諂。他刀切不貳其命。若之何。禳

之。且天之有彗也。以除穢也。君無穢德。又何穢焉。若德之穢。穢之何損。詩曰。惟此文王。小心翼翼。昭事上帝。聿懷多福。厥德不回。以受方國。君無違德。方國將至。何患於彗。詩曰。我無所監。夏后及商。用亂之故。民卒流亡。若德回亂。民將流亡。祝史之爲。無能補也。公說。同悅乃止。齊侯與晏子坐於路寢。公歎曰。美哉室。其誰有此乎。晏子曰。敢問何謂也。公曰。吾以爲在德。對曰。如君之言。其陳氏乎。陳氏雖無

道元一年

左傳讀本卷五

昭公

三

大德而有施

去聲

於民。豆區釜鍾之數。其取之

公也薄。其施之民也厚。公厚斂焉。陳氏厚施

焉。民歸之矣。詩曰。雖無德與女。同式歌且舞

陳氏之施。民歌舞之矣。後世若少情。一作情陳

氏而不亡。則國其國也已。公曰。善哉。是可若

何。對曰。唯禮可以已之。在禮。家施不及國。民

不遷。農不移。工賈音古不變。士不濫。官不滔。大

夫不收。公利。公曰。善哉。我不能矣。吾今而後

知禮之可以爲國也。對曰。禮之可以爲國也。

久矣。與天地並。君令臣共。同父慈子孝。兄愛

弟敬。夫和妻柔。姑慈婦聽。禮也。君令而不違。

臣共而不貳。父慈而教。子孝而箴。兄愛而友。

弟敬而順。夫和而義。妻柔而正。姑慈而從。婦

聽而婉。禮之善物也。公曰。善哉。寡人今而後

聞此禮之上也。對曰。先王所稟於天地。以為

其民也。是以先王上之。

韋見齊分野。元枵也。經不書者。杜預云。魯無不見。禳者。禳除之祭。語疑也。言天事必信。明言脩德則方國將至。又引逸詩。言不德。

道光二十一年 左傳讀本卷三五 昭公 三

則民流亡。路寢。路朝之寢。景公感天象而懼。思有德者長守國。恐已不能。陳氏能施。

詳三年傳。晏子因公之問。乃頌言之。而言惟禮可止其亂。不遷不移。不變者。謂各有

其常業。不濫者。不失職。不滔者。不淫漫。不收公利者。大臣不敢作威福。要在君令而不

違常則。臣共而無貳心。父子兄弟夫妻姑婦。各有常則。箴。諫也。對教言之。相繼以正

道。從。謂不自專。婉。順也。上謂可貴。孔子對景公。亦言君君臣臣。父子子。晏子言禮。

得其本末。鄭康成謂左氏善于禮。此之謂也。

且共而不貳。父慈而教。子孝而友。兄愛而弟敬。夫和妻柔。姑慈婦聽。禮也。君令而不違。

臣共而不貳。父慈而教。子孝而友。兄愛而弟敬。夫和妻柔。姑慈婦聽。禮也。君令而不違。

欽定春秋左傳讀本卷二十五

欽定春秋左傳讀本卷二十六

昭公

經二十有七年春公如齊公至自齊居于

鄆夏四月吳弑其君僚楚殺其大夫郤

宛秋晉士鞅宋樂祁犁衛北宮喜曹人邾

人滕人會于扈冬十月曹伯午卒無傳邾

快來奔無傳公如齊公至自齊居于鄆無傳邾

傳二十七年春公如齊公至自齊處于鄆言

在外也

道光二年 武英殿刊刻左傳讀本卷二十六

昭公

皆魯臣偵其事以告廟

吳子欲因楚喪而伐之使公子掩餘公子燭

庸帥師圍潛使延州來季子聘于上國遂聘

于晉以觀諸侯楚莠尹然王唐定本 尹麋師

師救潛左司馬沈尹戌帥都君子與王馬之

屬以濟師與吳師遇于窮一本作 于窮谷令尹子常

以舟師及沙汭而還左尹郤宛工尹壽師師

至于潛吳師不能退吳公子光曰此時也弗

可失也告鱄設諸曰上國有言曰不索何獲

我王嗣也。吾欲求之。事若克。季子雖至。不吾廢也。鱣設諸曰。王可弑也。母老子弱。是無若我何。光曰。我爾身也。夏四月。先伏甲於堀。忽苦

切室。而享王。王使甲坐於道。及其門。門階戶

席。皆王親也。夾之以鉞。披音羞者獻體。改服於

門外。執羞者坐行而入。執鉞者夾承之。及體

以相授也。光僞足疾。入于堀室。鱣設諸寘劍

於魚中以進。抽劍刺王。鉞交於胷。一作遂弑

王。闔廬以其子爲卿。季子至。曰。苟先君無廢

祀。民人無廢主。社稷有奉。國家無傾。乃吾君

也。吾誰敢怨。哀死事生。以待天命。非我生亂

立者從之。先人之道也。復命哭墓。復位而待

吳公子掩餘奔徐。公子燭庸奔鍾吾。楚師聞

吳亂而還。

楚喪。謂前年平王卒。掩餘燭庸。王僚母弟

也。潛。楚邑。在今霍山東北。延州來。季子封

邑。上國。中國也。遂聘于晉者。言歷聘中國。

以晉爲主。欲觀諸侯強弱也。莠。尹。王。尹。沈

尹。今。尹。左。尹。工。尹。皆楚官。服虔云。王。尹。主
宮內之政。孔。穎。達。言。唐。定。本。作。工。尹。今。檢
下。自。有。工。尹。壽。則。麋。自。爲。王。尹。如。服。說。矣。
都。君。子。謂。都。邑。之。士。王。馬。之。屬。謂。校。人。官。

吏茲奔命盡發從軍也。窮謂窮谷。在今懷
邱西。楚舟師皆在淮。沙汭。沙水之汭。今懷
遠地。時吳起大役。楚師亦衆。吳不得利。又
不能退。季子及二公子在吳。故先欲弑
僚而奪其國。初壽夢四子。諸樊。餘祭。夷昧。
季札。兄弟相傳。札不肯受。故夷昧子僚繼
立。而諸樊子先即闔廬。使鱗設諸弑僚。不
索何獲者。言不求何得也。王嗣者。謂諸樊
之嗣。是無若我何者。杜預云。猶言我無若
是何。我爾身者。言爲之養母撫子。掘室謂
掘地爲室。王親謂王親兵。史記鱗諸傳則
言王僚母老子幼。兩弟在外。王可弑也。鉞
劍也。獻體改服。謂進饑者見體更衣。無所
匿也。坐行。謂膝行。鉞夾承其體。相授謂執
鉞者。以次相授。至王前。鉞夾猶然。故先入
掘室。避之。鱗諸劍無可藏。乃寘于魚中。史
記云。置七首夾魚之中。七首者。劍首如七
匙也。鱗諸刺王。而夾承之。鉞已交穿。鱗諸

道先二年

左傳讀本卷三十六

昭公

三

胥。季子言先人之道者。言傳弟不傳子。由
先人啓亂。徐鍾吾皆吳北境小國。鍾吾。今
宿遷。峒。岬。三十年。吳執鍾吾子而滅徐。時
吳方亂。楚沙汭舟師先還。然麋戍壽及卻
宛之師亦還。費無極後
言卻宛取賂。是不然也。

卻宛直而和。國人說之。

同悅。

駟

一作鄆。鳥戶切。

將師爲

右領。與費無極比。

去聲。

而惡之。

去聲。

令尹子常賄

而信讒。無極譖卻宛焉。謂子常曰。子惡

如字。

飲

去聲。

子酒。又謂子惡。令尹欲飲酒於子氏。子

惡曰。我賤人也。不足以辱令尹。令尹將必來

辱。爲惠已甚。吾無以酬之。若何。無極曰。令尹

好去聲甲兵。子出之。吾擇焉。取五甲五兵。曰。寘

諸門。令尹至。必觀之。而從以酬之。及饗。曰。帷

諸門左。無極。謂令尹曰。吾幾音基禍子。子惡將

爲子不利。甲在門矣。子必無往。且此役也。吳

可以得志。子惡取賂焉而還。又誤羣帥。去聲使

退其師。曰。乘亂不祥。吳乘我喪。我乘其亂。不

亦可乎。令尹使視郤氏。則有甲焉。不往。召鄢

將師而告之。將師退。遂令攻郤氏。且蕪之。子

惡聞之。遂自殺也。國人弗蕪。令曰。不蕪郤氏。

與之同罪。或取一編菅焉。或取一秉秆。古旱切

焉。國人投之。遂弗蕪也。令尹炮音庖之。盡滅郤

氏之族黨。殺陽令終。與其弟完。及佗。與晉陳

及其子弟。晉陳之族呼去聲於國曰。鄢氏費氏。

自以爲王。專禍楚國。弱寡王室。蒙王與令尹。

以自利也。令尹盡信之矣。國將如何。令尹病

之。

右領。楚官名。惡之。惡郤宛也。郤宛。字子惡。

爲左尹。比令尹王族。則爲賤。酬之。古燕飲

有酬幣好貨。五甲。甲五領。五兵。服虔云。載

也。無極。使寘諸門。以爲諧之之證。無極言

此役謂救潛之役。羣帥謂莠尹。王尹。沈尹。工尹。子常使視其門。果帷甲兵。因告右領。右領本惡卻宛。遂攻卻氏而焚之。卻宛遂自殺。編管皆也。秉耜把禾。也。國人不肯焚卻氏。迫於今。僅少取苦。又投于地。乃遂弗焚。而令尹炮卻宛之尸。滅其族。殺其黨。陽句三子及晉陳。晉陳氏呼告國人。首以爲王。言費鄆無王。自專制也。

秋。會于扈。令戍周。且謀納公也。宋衛皆利納公。固請之。范獻子取貨於季孫。謂司城子梁與北宮貞子曰。季孫未知其罪。而君伐之。請囚請亡。於是乎不獲。君又弗克。而自出也。夫豈無備而能出君乎。季氏之復。天救之也。休公徒之怒。而啓叔孫氏之心。不然。豈其伐人而說同甲執冰以游。叔孫氏懼禍之濫。而自同於季氏。天之道也。魯君守齊。三年而無成。季氏甚得其民。淮夷與之。有十年之備。有齊楚之援。有天之贊。有民之助。有堅守之心。有列國之權。而弗敢宣也。事君如在國。故鞅以爲難。二子皆圖國者也。而欲納魯君。鞅之願也。請從二子以圍魯。無成。死之。二子懼。皆辭。乃辭小國。而以難復。

道光二年

左傳讀本卷三十六

昭公

五

扈鄭地。今原武西北。司城子梁。宋樂祁也。貞子。衛北宮喜也。淮夷。齊楚。皆與季氏。公在齊而齊臣自與季氏為黨。有列國之權而弗敢宣。事君如在国内。季氏在國如君而弗自用。猶以公如公至季公。居告廟。以難復者。復于晉君。

孟懿子陽虎伐鄆。鄆人將戰。子家子曰。天命

不慍。他切。刀久矣。使君亡者。必此眾也。天既禍

之。而自福也。不亦難乎。猶有鬼神。此必敗也。

嗚呼。為無望也夫。音扶。其死於此乎。公使子家

子如晉。公徒敗于且。音疽。知。

公居鄆。孟氏季氏不欲。故伐之。且知。近鄆地。慍。疑也。天命不慍。言天意可知。子家子

道充一年。左傳讀本卷三十一

昭公

六

意欲固守待救。如晉求救也。戰則必敗亡。不能死于此。猶有鬼神。謂世亂鬼神亦妄。

不可深怪。

楚卻宛之難。去聲國言未已。進胙者莫不諉令

尹。沈尹戌言於子常曰。夫左尹與中廐。音救尹

莫知其罪。而子殺之。以興謗讟。音獨至于今不

已。戍也。惑之。仁者殺人以掩謗。猶弗為也。今

吾子殺人以興謗。而弗圖。不亦異乎。夫無極

楚之讒人也。民莫不知去。音上朝吳出蔡侯朱

喪。去聲犬聲。子建殺連尹奢。屏王之耳目。使不

聰明不然。平王之温惠，共同儉，有過成莊，無

不及焉。所以不獲諸侯，邇無極也。今又殺三

不辜，以興大謗。幾音基及子矣。子而不圖，將焉

焉音用之。夫鄆將師，矯居表切子之命，以滅三族。

國之良也，而不愆位。吳新有君，疆場音亦日駭。

楚國若有大事，子其危哉。知音同者除讒，以自

安也。今子愛讒，以自危也。甚矣其惑也。子常

曰：是瓦之罪，敢不良圖。九月，己未，子常殺費

無極，與鄆將師，盡滅其族。以說于國，謗言乃

止。

道光二年 昭公 左傳讀本卷三十一 七

進昨謗，今尹言國人祭祀祈福，皆願令尹死，甚惡之也。左尹卻宛中廢尹陽，令終。邇無極，謂近之。三族，謂卻氏、陽氏及晉陳之族。不愆位，謂鄆將師安居高位。傳言子常殺人以掩謗，亦除讒以自安。

冬，公如齊。齊侯請饗之。子家子曰：朝夕立於其朝，又何饗焉。其飲酒也，乃飲酒，使宰獻而請安。子仲之子曰重，為齊侯夫人，曰：請使重

見音現子家子，乃以君出。

饗，具犬牢，飲酒常禮。宰獻而請安，齊君在坐，使宰夫為主人，而請賓安，用大夫禮也。

請安者。謂請賓安坐。宴飲。燕禮云。司正西階上。北面命卿大夫。君曰。以我安。卿大夫皆對曰。諾。敢不安。鄉飲酒禮云。司正阼階上。北面受命于主人。主人曰。請安于賓。司正告于賓。鄉射禮云。司正西階上。北面請安于賓。賓禮辭許。蓋主人獻酬。賓酢。禮畢而請安。歡燕也。齊景夫人為公子愁之。襄公出。避君夫人。見從親好。以

十二月。晉籍秦致諸侯之戍。庶于周。魯人辭

以難。去聲

籍秦。籍談子。魯人。以公在。駟。辭晉。

經二十有八年。春。王三月葬曹悼公。無傳公

道光二十一年。武英殿刊刻。

左傳讀本卷三十一

昭公

八

如晉次于乾侯。音干夏四月丙戌。鄭伯寧卒。

無傳六月葬鄭定公。無傳秋七月癸巳。滕子

寧卒。無傳冬葬滕悼公。無傳

傳二十八年。春。公如晉。將如乾侯。子家子

曰。有求於人。而即其安。人孰矜之。其造音燥於

竟。同境弗聽。使請逆於晉。晉人曰。天禍魯國。君

淹恤在外。君亦不使一个辱在寡人。而即安

於甥舅。其亦使逆君。使公復于竟。而後逆之。

乾侯。晉境內。今成安地。齊卑公。故適晉。晉使公。後命境上。而後迎之。一个。謂單使辱。

在。謂在有之。相聞知也。其亦使逆君。言自使齊逆君。謂公不能使齊來逆也。

晉祁勝與鄔音餒臧通室。祁盈將執之。訪於司

馬叔游。叔游曰。鄭書有之。惡音去直醜。正實蕃

有徒。無道立矣。子懼不免。詩曰。民之多辟。同僻

無自立辟。音壁姑已。若何。盈曰。祁氏私有討。國

何有焉。遂執之。祁勝賂荀躒。荀躒爲音去之言

於晉侯。晉侯執祁盈。祁盈之臣曰。鈞將皆死

慙。魚覲切使吾君聞勝與臧之死也。以爲快。乃

殺之。夏六月。晉殺祁盈及楊食音飼我。食我祁

盈之黨也。而助亂。故殺之。遂滅祁氏羊舌氏。

初。叔向欲娶於申公巫臣氏。其母欲娶其黨

叔向曰。吾母多而庶鮮。音上吾懲舅氏矣。其母

曰。子靈之妻。殺三夫。一君。一子。而亡一國。兩

卿矣。可無懲乎。吾聞之。甚美。必有甚惡。是鄭

穆少妃姚子之子。子貉音陌之妹也。子貉早死

無後。而天鍾美於是。將必以是。大有敗也。昔

有仍氏生女。黥音忍切黑而甚美。光可以鑑。

名曰玄妻。樂正后夔取音同之。生伯封。實有豕

心貪恠力耽切無饜平聲忿類一作類音同無期謂之

封豕有窮后羿滅之夔是以不祀且三代之

亡共同恭子之廢皆是物也女同汝何以爲哉夫

有尤物足以移人苟非德義則必有禍叔向

懼不敢取平公強上聲使取之生伯石伯石始

生子容之母走謁諸姑曰長上聲叔姒生男姑

視之及堂聞其聲而還曰是豺狼之聲也狼

子野心非是莫喪去聲羊舌氏矣遂弗視

鄆闕駟云音若飢一云當作鄆於爰切犬原之縣也與周鄆地從邑從鳥別通室者

道光二年 武英殿刊刻 左傳讀本卷三十一

昭公

十一

易妻不道祁鄆皆祁盈邑故執之晉侯執

盈謂其專討憖語楊食我叔向子伯石

也蓋勸殺勝臧者伯石母申公巫臣娶復

姬所生女叔向欲娶之叔向母欲其娶于

舅氏叔向以母性妬拒之母言夏姬美爲

尤異恐有遺禍夏姬鄭穆公女其母姚子

生一子一女子靈公被弑女夏姬殺三夫

御叔襄老巫臣也一君陳靈公也一子徵

舒也其時巫臣子邢侯未死後于十四年

見儀其族亦廢亡一國兩卿謂陳國孔寧

及儀行父也有仍古諸侯國鬻稍髮也先

可鑑謂髮澤貪謂嗜利恠賈逵云嗜食也

類杜預云辰也本作類服虔云忿怒其類

無期度也封豕謂大豬恭子謂申生以驪

姬廢叔向兄銅鞮伯華生子容伯華妻少

于叔向妻故論年則呼爲姒以夫則呼爲

叔姒叔向弟尙有叔虎

叔魚故別之曰長叔姒

秋晉韓宣子卒。魏獻子爲政，分祁氏之田，以爲七縣。分羊舌氏之田，以爲三縣。司馬彌牟爲鄆大夫。音飲賈辛爲祁大夫。司馬烏爲平陵大夫。魏戊爲梗陽大夫。知音去徐吾爲塗水大夫。韓固爲馬首大夫。孟丙爲孟大夫。樂霄爲銅鞮大夫。趙朝爲平陽大夫。僚安爲楊氏大夫。謂賈辛司馬烏爲有力於王室，故舉之。謂知徐吾趙朝韓固魏戊，餘子之不失職，能守業者也。其四人者皆受縣，而後見音現於魏子。

道光二年 左傳讀本卷二十六 昭公 十一

以賢舉也。魏子謂成鱗音專吾與戊也。縣，人其

以我爲黨乎。對曰：何也？戊之爲人也，遠不忘

君，近不偪同，居利思義，在約思純，有守心而

無淫行。音去雖與之縣，不亦可乎？昔武王克商，

先有天下，其兄弟之國者十有五人，姬姓之

國者四十人，皆舉親也。夫舉無他，唯善所在，

親疏一也。詩曰：唯此文王，帝度音鐸其心，莫音韻

其德音。其德克明，克明克類，克長音上克君，王

贊此大國，克順克比。音如比于文王，其德靡悔。

既受帝社。施音異于孫子。心能制義曰度。德正

應和曰莫。照臨四方曰明。勤施音無無私曰類。

教誨不倦曰長。賞慶刑威曰君。慈和徧服曰

順。擇善而從之曰比。經緯天地曰文。九德不

愆。作事無悔。故襲天祿。子孫賴之。主之舉也。

近文德矣。所及其遠哉。

韓起卒。魏舒為政。七縣。鄆。祁。平陵。梗陽。塗水。馬首。孟。三縣。銅鞮。平陽。楊氏也。鄆在今

介休。祁。今祁縣。平陵。今文水。梗陽。今清原塗水。今榆次。馬首。今壽陽。孟。今孟縣。銅鞮

今沁州。平陽。今臨汾。楊氏。今洪洞。魏舒分十縣。其十大夫。賈辛。司馬。烏。二人。以二十

道光二年

武英殿刊刻

昭公

十三

二年。王室功舉。烏即督也。知趙韓魏四人

以世卿。餘子不失職。舉彌牟。孟丙。樂霄。僚

安。四人。初未見舒。以衆人稱賢。舉十人中

戊為舒。庶子。故舒問於成。鱣。鱣因廣稱。以

諛美之。遠不忘君。謂賤而忠。近不偪同。謂

和同僚。居利思義。謂不苟得。在約思純。謂

窮約而能純固。引詩皇矣。而自說之。義合

韓詩。今毛作維。此王季傳及韓詩作文王

故言王。此大邦。是文王事。下又言比。于文

王。謂可比古時。經天緯地之王。故平列文

也。施于孫子。子孫賴之也。

賈辛將適其縣。見音現於魏子。魏子曰。辛來。昔

叔向適鄭。醜音宗蔑音滅惡。欲觀叔向。從使之收器者而往。立於堂下。一言而善。叔向將飲酒。

聞之曰必驥明也下執其手以上聲曰昔賈

大夫惡娶妻而美三年不言不笑御以如臯

射雉獲之其妻始笑而言賈大夫曰才之不

可以已我不能射女同遂不言不笑夫音扶今

子少不颺音揚子若無言吾幾音基失子矣言之

不可以已也如是遂如故知今女同有力於

王室吾是以舉女行乎敬之哉母墮乃力仲

尼聞魏子之舉也以爲義曰近不失親遠不

失舉可謂義矣又聞其命賈辛也以爲忠詩

道光一年左傳讀本卷三十六昭公三

曰永言配命自求多福忠也魏子之舉也義

其命也忠其長有後於晉國乎不夫

王古賈國大夫有貌醜者妻見其射雉于臯

澤始為笑言叔向引之以譬驥蔑善言蔑

不字明也魏舒又引其事以譬賈辛功著其

命也忠謂獎王室詩謂常言當配天命而

行則福祿自來

冬梗陽人有獄魏戊不能斷去聲以獄上上聲其

大宗賂以女樂魏子將受之魏戊謂閻沒女

莫寬音曰主以不賄聞於諸侯若受梗陽人賄

莫甚焉吾子必諫皆許諾退朝待於庭饋入

召之。比去聲置三歎。既食使坐。魏子曰。吾聞諸

伯叔。諺曰。唯食忘憂。吾子置食之間三歎。何

也。同辭而對曰。或賜二小人酒。不夕食。饋之

始至。恐其不足。是以歎。中置。自咎曰。豈將軍

食音飼飼之。而有不足。是以再歎。及饋之畢。願以

小人之腹。為君子之心。屬音燭厭音平聲而已。獻子

辭梗陽人。

邑有太宗。戊望輕不能制。故土于執政。闇沒女寬。魏氏屬大夫。家臣自稱小人。酒醉

故不食。朝飢甚。將軍中軍帥也。其三歎。以食畢足。厭如量而止。願君子之心亦如此。

道光一年。武英殿刊刻。左傳讀本卷三十六。昭公。十四。

歡食而生速。感故歎也。

經二十有九年春。公至自乾侯。居于鄆。齊侯

使高張來唁。公公如晉。次于乾侯。夏四月

庚子。叔詣卒。無傳秋七月。冬十月。鄆潰。無傳

傳二十九年春。公至自乾侯。處于鄆。齊侯使

高張來唁。公稱主君。子家子曰。齊卑君矣。君

祇辱焉。公如乾侯。

齊唁公。不為晉所禮也。高張。高偃子。主君大夫。稱主也。復如乾侯。冀晉納之。公久次

晉地。晉亦聽之。是年冬。鄆潰。于是公不得在魯境。

三月己卯京師殺召伯盈尹氏圉及原伯魯之子尹固之復也。有婦人遇之周郊。尤之曰：處則勸人爲禍，行則數日而反，是夫也。其過三歲乎？夏五月庚寅，王子趙車入于鄆，列勉切以叛，陰不佞，敗之。

盈固及原伯魯之子，皆子朝黨，稱魯之子者，惡魯不悅，學無義方之教也。語見十八年。盈從敬王，在二十六年。固從子朝，還而從敬王。趙車亦子朝黨，鄆周邑。陰不佞，陰忌之。

平子每歲賈音馬，具從者之衣履而歸去聲

之于乾侯。公執歸馬者賣之，乃不歸馬。衛侯

來獻其乘馬，曰啓服，塹而死。公將爲之櫝。

子家子曰：從者病矣，請以食音之，乃以帷裹

之。公賜公衍羔裘，使獻龍輔於齊侯，遂入羔

裘。齊侯喜，與之陽穀。公衍公爲之生也，其母

偕出。公衍先生，公爲之母曰：相與偕出，請相

與偕告。三日，公爲生，其母先以告，公爲爲兄。

公私喜於陽穀，而思於魯，曰：務人爲此禍也。

且後生而爲兄，其誣也久矣，乃黜之，而以公

衍為犬去聲子。

時公在乾侯。而鄆尚未潰。傳言每歲歸乾侯者。謂前年及此年。平子之歸。蓋以應諂。

啓。明在鄆。不歸也。啓服者。馬前右足白名。啓。以啓為夾。轅服馬也。塹。謂墜塹。帷。裹之。

得正禮。龍輔者。龍節之輔。函。玉函也。公衍自入羔裘。齊與之陽穀。齊邑。與魯近。公乃

立公衍為犬子。而廢公為公。為即務。人。借出。謂二母同臨月。同出舍側室。

秋。龍見音現于絳郊。魏獻子問於蔡墨曰。吾聞

之。蟲莫知同智於龍。以其不生得也。謂之知。信

乎。對曰。人實不知。非龍實知。古者畜龍。故國

有豢龍氏。有御龍氏。獻子曰。是二氏者。吾亦

聞之。而不知其故。是何謂也。對曰。昔有颶音溜

叔安。有裔子曰董父。實甚好去聲龍。能求其者

嗜欲。以飲去聲食去聲之。龍多歸之。乃擾畜龍。以

服事帝舜。帝賜之姓曰董。氏曰豢龍。封諸醜

川。醜夷氏。其後也。故帝舜氏。世有畜龍。及有

夏孔甲。擾于有帝。帝賜之乘去聲龍。河漢各二。

各有雌雄。孔甲不能食。而未獲豢龍氏。有陶

唐氏既衰。其後有劉累。學擾龍于豢龍氏。以

事孔甲。能飲食之。夏后嘉之。賜氏曰御龍。以

道光二十一年 武英殿刊刻 左傳讀本卷三六

昭公

六

更音庚

豕韋之後龍一雌死潛醢以食夏后夏

后饗之既而使求之懼而遷於魯縣范氏其

後也獻子曰今何故無之對曰夫物物有其

官官脩其方朝夕思之一日失職則死及之

失官不食如字官宿其業其物乃至若泯弃之

物乃坻音旨伏鬱湮不育故有五行之官是謂

五官實列受氏姓封為上公祀為貴神社稷

五祀是尊是奉木正曰句古候切芒火正曰祝

融金正曰蓐收水正曰玄冥土正曰后土龍

道元一年
武英殿刊刻

左傳讀本卷十六

昭公

七

水物也水官弃矣故龍不生得不然周易有

之在乾☰之姤☴曰潛龍勿用其同人

☰曰見龍在田其大有☰曰飛龍在

天其夬☰曰亢☰龍有悔其坤☷

曰見羣龍無首吉坤之剝☶曰龍戰于野

若不朝夕見誰能物之獻子曰社稷五祀誰

氏之五官也對曰少皞氏有四叔曰重平曰

該曰脩曰熙實能金木及水使重為句芒該

為蓐收脩及熙為玄冥世不失職遂濟窮桑

此其三祀也。顓頊氏有子曰犁。為祝融。共音

工氏有子曰句古侯切龍。為后土。此其二祀也。

后土為社。稷田正也。有烈山氏之子曰柱。為

稷。自夏以上上聲祀之。周弃亦為稷。自商以來

祀之。

龍見於晉絳之郊。與門於鄭淵。俱以乍見

怪之。魏舒訪於犬史蔡墨。數不能得龍。蔡

畜之。墨言豢龍氏見於虞。御龍氏見於夏。

今晉范氏即御龍之後。其事有徵。豢龍封

駸川。國語史伯云。董姓駸夷。豢龍則夏滅

之言滅其國。夏孔甲擾順天帝。天賜四龍。

堯後人能御之。實食豕韋之國。在魯衛輝

後以不能召致龍。乃自貶退居今之魯山。

謂范氏祖也。此自古史紀實。後人不知。反

謂古人為誣。故蔡墨又推言物性。言天氣

下行于五。為五行。萬物皆統于五官。官失

則物死。官亦不食。其祿得其官。則物至。失

其官。則物伏而不育。晉時水官不脩。何能

致水物。周初作易。言龍乾初爻二爻五爻

上爻用九。坤上爻。皆有之。聖人不空言。若

道光二十一年

左傳讀本卷之六

昭公

六

傳載墨言。解愚人之惑。言絳郊之見不足

怪。又見五行之不可失。其敘也。五祀者。少

皞氏之後三人。共工之後一人。其土官即為

社。其稷為田正。夏以前祀柱。商以後祀棄。

冬。晉趙鞅荀寅帥師城汝濱。遂賦晉國一鼓

鐵。以鑄刑鼎。著范宣子所為刑書焉。仲尼曰。

晉其亡乎。失其度矣。夫晉國將守唐叔之所受法度。以經緯其民。卿大夫以序守之。民是以能尊其貴。貴是以能守其業。貴賤不愆。所謂度也。文公是以作執秩之官。爲被_皮廬_{義切}之法。以爲盟主。今弃是度也。而爲刑鼎。民在鼎矣。何以尊貴。貴何業之守。貴賤無序。何以爲國。且夫宣子之刑。夷之蒐也。晉國之亂制也。若之何以爲法。蔡史墨曰。范氏中行_{音氏}其亡乎。中行寅爲下卿。而干上令。擅作刑器。以爲國法。是法姦也。又加范氏焉。易_音之亡也。其及趙氏。趙孟與_音焉。然不得已。若德可_音以免。

道光二年
武英殿刊刻

左傳讀本卷三十六

昭公

九

汝濱。今嵩縣南。因城役而賦。刑書工鐵也。荀即中行氏。蓋寅主其事。先是范宣子土句。取晉襄夷蒐之刑。爲晉國常法。其事中廢。今復用之。賦一鼓鐵者。服虔云。鼓。量名。其數不可知。或曰。王肅云。四百八十九斤。亦于古無徵。孔子非之。謂當守晉文被廬之法。被廬本唐叔法。唐叔乃受于周之法。度各以序守之。今取夷蒐法鑄于鼎。使民察之。以與周禮爭。則不貴貴。何以能久。蔡墨言中行氏法姦當亡。范氏之刑書已廢。今加其惡。是易之而使亡。趙氏不得已。而與其事。亦當悔過而脩德。

經三十年春王正月公在乾侯夏六月庚辰晉侯去聲疾卒王秋八月葬晉頃公冬十有二月吳滅徐徐子章禹奔楚傳三十年春王正月公在乾侯不先書鄆與乾侯非公且微過也。

不先書鄆與乾侯謂二十六年以後不書也。非公且微過者。服虔云。季氏非責公。不為釋言于廟。春秋亦不書。以微季氏之過。襄二十八年微過亦謂臣子之過。明年傳言不能外內。後年傳言不能外內。又不能用其人。皆季氏之意。則三書皆微過也。或言春秋書此以存公。左氏不當條為之說。是不知左氏俱采國史。又未知此前四年

道光二年
武英殿刊刻

左傳讀本卷三十六

昭公

三十一

不書之義

夏六月晉頃公卒。秋八月葬。鄭游吉弔。且送葬。魏獻子使士景伯詰之曰。悼公之喪。子西弔。子蟜送葬。今吾子無貳。何故。對曰。諸侯所以歸晉君禮也。禮也者。小事大。大字小之謂事大。在共同其時命。字小在恤其所無。以敝邑居大國之間。共其職貢。與其備御不虞之患。豈忘共命。先王之制。諸侯之喪。士弔。大夫送葬。唯嘉好去聲聘享三軍之事。於是乎使

卿。晉之喪事。敝邑之間。音開先君有所助執紼矣。若其不聞。雖士大夫有所不獲數矣。大國之惠。亦慶其加。而不討其乏。明底。音旨其情。取備而已。以爲禮也。靈王之喪。我先君簡公在楚。我先大夫印段實往。敝邑之少卿也。王吏不討。恤所無也。今大夫曰。女。同汝盍從舊。舊有豐有省。不知所從。從其豐。則寡君幼弱。是以不共。從其省。則吉在此矣。唯大夫圖之。晉人不能詰。

道光二年

左傳讀本卷三

昭公

三

游吉。鄭正卿。晉詰其不兩遣使也。悼公之喪。在襄十五年。靈王之喪。在襄二十九年。

鄭正卿共弔葬。其踰禮從豐已甚。傳言晉人之妄。

吳子使徐人執掩餘。使鍾吾人執燭庸。二公子奔楚。楚子大封而定其徙。使監馬尹大心逆吳公子。使居養。莠尹然左司馬沈尹戌城之。取於城父。音甫與胡田以與之。將以害吳也。子西諫曰。吳光新得國。而親其民。視民如子。辛苦同之。將用之也。若好。去聲吾。一作吳邊疆。使柔服焉。猶懼其至。吾又彊其讎。以重怒之。

無乃不可乎。吳周之胄裔也。而弃在海濱。不與姬通。今而始大。比于諸華。尤又甚文。將自同於先王。不知天將以爲虐乎。使翦喪去聲吳國。而封大異姓乎。其抑亦將卒以祚吳乎。其終不遠矣。我盍姑億吾鬼神。而寧吾族姓。以待其歸。將焉音薦用自播揚焉。王弗聽。吳子怒。冬十二月。吳子執鍾吾子。遂伐徐。防山以水之。已卯。滅徐。徐子章禹上聲斷其髮。攜其夫人以逆吳子。吳子唁而送之。使其邇臣從之。遂奔楚。楚沈尹戌帥師救徐。弗及。遂城夷。使徐子處之。吳子問於伍員曰。初而言伐楚。余知其可也。而恐其使余往也。又惡去聲人之有余之功也。今余將自有之矣。伐楚何如。對曰。楚執政衆而乖。莫適音的任患。若爲三師以肄一作肆焉。一師至。彼必皆出。彼出則歸。彼歸則出。楚必道敝。亟去聲肄以罷之。多方以誤之。旣罷而後以三軍繼之。必大克之。闔廬從之。楚於是乎始病。

道元一年
武英殿刊刻

左傳讀本卷三十一

昭公

三十一

掩餘燭庸王僚弟也。二十七年奔二國。楚子定二子之封。土田徙居。既具而迎之。居益之。吳怒二國。因執鍾吾子而滅徐。防山以水之。言渴山水以灌其城。吳得徐地。使徐子近臣從之。聽其所之。亦奔楚也。楚居徐子及夫人近臣于城父。吳楚之釁。由楚不脩德政。不在挑吳之怒。子西言億鬼神安族姓。楚實不能。其納吳公子徐子。非楚大咎。沈尹戌非毀城郢。畧疆。在二十三。二十四年。久憂忘郢。而此年逆吳公子之。城則城之。納徐子之邑。又城之。默無一言。踊躍赴功。蓋喜事之臣。身不在行。則多造。說以亂衆心。亦由其君與尹。德政不脩。終墮厥績。可以為誡。吳王志在并楚。伍員之謀。吳一動而楚三應。此楚必敗之道。楚執政。衆而乖。莫的任患。而人人任患。如沈尹戌。已則再城邊城。而無郵。今尹城郢。則謂之亡郢。是以楚師出。則畢出。疲則俱疲。楚臣蓋皆沈尹戌之徒。為伍員所策也。

經三十有一年春王正月公在乾侯季孫

意如會晉荀躒音歷于適音歷夏四月丁巳

薛伯穀卒晉侯使荀躒唁公于乾侯秋

葬薛獻公無傳冬黑肱以濫力甘切或力暫切來奔

十有二月辛亥朔日有食之

傳三十一年春王正月公在乾侯言不能外

內也。

公內不容于臣子。外不容于齊晉。所以久在乾侯。

晉侯將以師納公。范獻子曰：「若召季孫而不來，則信不臣矣。然後伐之。」若何？晉人召季孫，獻子使私焉，曰：「子必來。我受其無咎。」季孫意如會晉荀躒。音歷于適。音的荀躒曰：「寡君使躒謂吾子，何故出君？有君不事，周有常刑。子其圖之。」季孫練冠麻衣，跣行，伏而對曰：「事君，臣之所不得也。敢逃刑命。君若以臣爲有罪，請囚于費，以待君之察也。亦唯君。若以先臣之故，不絕季氏而賜之死，若弗殺弗亡，君之惠也。死且不朽。若得從君而歸，則固臣之願也。敢有異心。」夏四月，季孫從知音智伯如乾侯。子家子曰：「君與之歸，一慙之不忍，而終身慙乎？」公曰：「諾。」衆曰：「在一言矣。」君必逐之。荀躒以晉侯之命唁公，且曰：「寡君使躒以君命討於意如，意如不敢逃死。君其入也。」公曰：「君惠顧先君之好，音去聲施及亡人，將使歸糞除宗祧，以事君，則不能見夫。音扶人，已所能見夫人者，有如河。荀躒掩耳而走，曰：「寡君其罪之恐，敢與。」音豫

道光二年
武英殿刊刻

左傳讀本卷三

昭公

三

知魯國之難。去聲臣請復於寡君。退而謂季孫

君怒未怠。子姑歸祭。子家子曰。君以一乘去聲

入于魯師。季孫必與君歸。公欲從之。眾從去聲

者脅公不得歸。

通歷。晉地。范獻子。范鞅也。荀躒。知伯也。我受其無咎。言可保任之。練冠麻衣。示以君

亡。降居喪服。一慙之不忍。而終身慙。子家子知公以歸為慙。失此不歸。則終身在外。

益為慙也。蓋季孫不欲從者入。從者又不欲公獨歸。欲公使晉逐季孫。因相從入也。

躒使季孫歸祭。時季孫已攝公矣。以一乘入魯師。謂不與從者俱。

薛伯穀卒。同盟故書。

道光二十一年 左傳讀本卷三十六 昭公

三

薛。春秋來。始書其君之名。故傳說之。傳言公事。與適歷之會相次。故與經參差。

秋。吳人侵楚。伐夷。侵潛。六。楚沈尹戌帥師救

潛。吳師還。楚師遷。潛於南岡而還。吳師圍弦。

左司馬戍。右司馬稽。帥師救弦。及豫章。吳師

還。始用子胥之謀也。

夷。即徐子所居。潛。六。南岡。弦。豫章。皆楚地。潛。在今霍邱。六。今六安州。弦。舊弦國。豫章。

淮南地。吳。巫肆。以疲楚。

冬。邾黑肱以濫平聲來奔。賤而書名。重地故也。

君子曰。名之不可不慎也。如是。夫有所有名。

而不如其已。

以音

以地叛。雖賤必書地。以名其

人。終為不義。弗可滅已。是故君子動則思禮。

行則思義。不為

去聲

利回。不為義疚。或求名而

不得。或欲蓋而名。章懲不義也。齊豹為衛司

寇。守嗣大夫。作而不義。其書為盜。邾庶其。

音基

莒牟夷。邾黑肱。以土地出。求食而已。不求其

名。賤而必書。此二物者。所以懲肆而去

上聲

貪

也。若艱難其身。以險危大人。而有名章徹。攻

難

去聲

之士。將奔走之。若竊邑叛君。以徼大利

道元二年 武英殿刊刻

左傳讀文卷三六

昭公

三

而無名。貪冒

音墨

之民。將實力焉。是以春秋書

齊豹曰盜。三叛人名。以懲不義。數

上聲

惡無禮

其善志也。故曰春秋之稱。微而顯。婉而辨。上

之人能使昭明。善人勸焉。淫人懼焉。是以君

子貴之。

黑肱。蓋邾之濫宰。濫在今滕縣東南。黑肱以土地出而求食。是得罪背其主。非為求

名。其得書名。以君子觀之。不如其已。是以春秋所書惡事。或求名不書其名。或欲匿

其名而必書其名。蓋艱難其身。而為險危于貴寵大人者。其意慕俠烈之名。若

使其名章徹。則如其志而導之以奔走也。故沒其名曰盜。所以使之靖帖而懲肆也。

竊邑叛君。微大利之人。畏人言其情。若作而無名。則貪墨者得志。故三叛人名。所以窮其情。而發其貪也。三叛人。謂襄二十一年。邾庶其。昭五年。宮卒夷。及此年。黑肱。數惡無禮。如言數說之。春秋之稱。謂稱名。上之人。能使昭明。謂在位者。能通其意。以見之行事。所謂過惡。于未然。是可貴也。

十二月辛亥朔。日有食之。是夜也。趙簡子夢童子嬴。而轉以歌。且占諸史墨。曰。吾夢如是。今而日食。何也。對曰。六年及此月也。吳其入郢乎。終亦弗克。入郢。必以庚辰。日月在辰尾。庚午之日。日始有譎。火勝金。故弗克。

道光二十一年
武英殿刊刻

左傳讀本卷三

昭公

毛

十二月。夏立冬也。日在析木之津。故曰辰尾。服虔云。尾為亡臣。吳用楚亡臣伍員之象。其日食變氣。先見於十月十九日。庚午。其咎見午火。午位南。當楚受其咎。以事勢推之。當是吳入楚。午火克庚金。金為火妃。則秦楚合而楚強。是吳必不能終克。其初克楚。必以庚辰。以庚午之庚。日始有譎。而食日在辰尾。故知之。周六年者。是日辛亥。亥水數六也。後定四年十一月二十九日。庚辰。吳入郢。適五期年。服虔云。是年歲在析木。後六歲在大梁。十一月日在星紀。為吳分。日為姬。吳姓也。故四年十一月庚辰。吳得勝。簡子之夢。有童子嬴。身宛轉而歌。懼日食之咎在己。故史墨言此以釋之。服虔云。楚之先老童。今童子為楚象。行歌為走哭象。晉楚同盟。故見夢於晉卿。其言稍涉附會。

經三十有二年春王正月公在乾侯取闕無傳

夏吳伐越秋七月冬仲孫何忌會晉

韓不信齊高張宋仲幾音衛世叔申鄭國參

曹人莒人薛人杞人水邾人城成周十有

二月己未公薨于乾侯而吳封之受其凶

傳三十二年春王正月公在乾侯言不能外

內又不能用其人也

不能外內前年所同謂不能于齊晉又不能于魯也

不能用其人謂前年不用子家子之言不能歸國取闕者闕在今汶上南

武英殿刊刻左傳讀本卷三十一昭公 三

三家莫利有之而屬于公賈逵云昭公得闕季氏奪之不用師徒賈逵得左氏初出

之本所述必有所據蓋自鄆潰之後于今三年闕無所屬乃復取之杜預云公別居

內乾侯而遣人誘闕取之

夏吳伐越始用師於越也史墨曰不及四十

年越其有吳乎越得歲而吳伐之必受其凶

曹越初不敢用師于吳吳亦時有小兵今始用師此年歲星常度當在析木以十五年

韓此年歲星在星紀之次吳越共分野也越不動故得福吳先用兵反受其凶

存亡之數以三紀歲星三周得三十六年故曰不及四十年從此至哀公二十六年

為三十八年越滅吳春秋五傳

秋八月王使富辛與石張如晉請城成周天子曰天降禍于周俾我兄弟竝有亂心以爲

伯父憂我一二親昵甥舅不皇同啓處於今

十年勤戍音庶五年余一人無日忘之閔閔焉

如農夫之望歲懼以待時伯父若肆大惠復

二文之業弛式氏切周室之憂徼文武之福以

固盟主宣昭今名則余一人有大願矣昔成

王合諸侯城成周以爲東都崇文德焉今我

欲徼福假靈于成王脩成周之城俾戍人無

道光二年 武英殿刊刻左傳讀本卷五 昭公 五

勤諸侯用寧音牟蝥賊遠屏晉之力也其委諸

伯父使伯父實重圖之俾我一人無微怨于

百姓而伯父有榮音去先王庸之范獻子謂

魏獻子曰與其戍周不如城之天子實云雖

有後事晉勿與音豫知可也從王命以紓音舒諸

侯晉國無憂是之不務而又焉音焉從事魏獻

子曰善使伯音對曰天子有命敢不奉承以

奔告於諸侯遲速衰初危切序於是焉在冬十

一月晉魏舒韓不信如京師合諸侯之大夫

于狄泉尋盟且令城成周魏子南面衛彪傒
音曰魏子必有大咎于位以令大事非其任
也詩曰敬天之怒不敢戲豫敬天之渝不敢
馳驅况敢干位以作大事乎己丑士彌牟營
成周計文數揣高卑度厚薄仞溝洫物土
方議遠邇量事期計徒庸慮材用書餼糧以
令役於諸侯屬音燭役賦文書以授帥而效諸
劉子韓簡子臨之以為成命

富辛石張周大夫也劉子周卿士晉在議者魏獻子舒范獻子鞅韓簡子不信字伯

道九二年
武英殿刊刻

左傳讀本卷三十六

昭公

三

晉士景伯彌牟衛彪傒衛大夫也成周在王城東敬王欲徙都之故請城于晉錡舅不違十年謂二十二年王室亂勤成五年謂二十七年冬致戊二文之業謂晉文侯文以禦登賦免諸侯遠戌先王亦以為晉庸功范鞅利免成勸成其事遲速衰序謂期會工程狄泉成周地尋盟尋平仰之盟也經不書盟賈逵云魯有昭公之難故會而不盟杜預云以公薨告會不及告盟孔穎達云辭難當並辭會賈說為非今檢經書昭公出遜以來之事皆以告廟則書不以告公之故公居于鄆公在乾侯豈是告公之文杜義尤非也平仰之盟在十三年魯不與盟經傳有文此尋平仰魯自不與自無可書不煩義說矣魏舒南面干君位彪傒引詩言天怒渝可畏渝變也計文數時營東西六里十步南北九里十步帝王

世紀言秦復增大之。則後世所增非此時制也。何溝洫。何度深也。屬役賦丈。書以授帥。言各分寸丈之數。書其目以授諸國之帥。其總凡致于劉子。而韓不信。授諸國之爲成命者。言其工已定。明年始興。役經言城成。周者謂所以爲此會。

十二月公疾。徧賜大夫。大夫不受。賜子家子雙琥一環。一璧。輕服。受之。大夫皆受其賜。已未。公薨。子家子反。賜於府人。曰。吾不敢逆君命也。大夫皆反。其賜。書曰。公薨于乾侯。言失其所也。趙簡子問於史墨曰。季氏出其君。而民服焉。諸侯與之。君死於外。而莫之或罪也。

道光二年
武英殿刊刻

左傳讀本卷三十六

昭公

三

對曰。物生有兩有三。有五。有陪貳。故天有三辰。地有五行。體有左右。各有妃同配耦。王有公。

諸侯有卿。皆有貳也。天生季氏。以貳魯侯。爲

日久矣。民之服焉。不亦宜乎。魯君世從音縱一作

縱其失。季氏世脩其勤。民忘君矣。雖死於外。

其誰矜之。社稷無常奉。君臣無常位。自古以

然。故詩曰。高岸爲谷。深谷爲陵。三后之姓。於

今爲庶。主所知也。在易卦。雷乘乾曰大壯。三

三天之道也。昔成季友。桓之季也。文姜之愛

子也。始震。

如字一音身

而卜。卜人謁之曰：生有嘉

聞。

去聲其名曰友。爲公室輔。及生。如卜人之言。

有文在其手。曰友。遂以名之。旣而有大功於

魯。受費以爲上卿。至於文子武子。世增其業。

不廢舊績。魯文公薨。而東門遂殺適。

同嫡

立庶。

魯君於是乎失國。政在季氏。於此君也。四公

矣。民不知君。何以得國。是以爲君。慎器與名。

不可以假人。

賜大夫。謂從公者。琥。刻玉爲虎形。環。肉好均也。璧。則肉倍于好。輕服。謂細好之服。府

道光二年

武英殿刊刻

昭公

三

人。主服玩者。趙簡子深感其事。史墨言有兩。謂左右體有三。謂三辰有五。謂五行。有

陪貳。謂公卿。皆所以相配。在。有以成之。魯世縱其失。致民忘其君。自有失國之理。雖

無昭公季氏。魯國亦將有他患。貴賤易處。岸谷變遷。時有之。當慎其始。易雷在天。

上爲大壯。此天道之常。聖人名爲大壯。以其泰甚。而爲懼。誠。聖道隨所遇常變。皆歸

之人事。不俟災異。始知懼也。季友後文子武子。皆有功績。而魯君自宣公以庶子繼

立。失其國柄。及成襄昭三公。皆以民與季氏。故曰民不知君。何以得國。器與名。謂車

服爵號。語云。爲君慎器與名。不可以假人。器名當慎之。不可以器名假人。使竊威福。

